

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málgagn Kommúnistaflokks Íslands/Marxista-Lénínista

16. tbl.

Þriðjudagurinn 18.4. 1978

7. árgangur

Verð kr. 80. -

Útflutningsbann er öflug aðgerð

Verkamannasambandið hefur nú eitt hafið aðgerðir gegn ólögum ríkisvaldsins.

Þessi aðgerð, útflutningsbannið, hefur að vonum vakið mikið umtal manna á meðal og deilur. Þeir sem andvígir eru þessum baráttuleiðum Verkamannasambandsins eru þeir sömu og eru andvígir því að verkalyðurinn gangi leið stéttabaráttunnar yfirleitt og eru því í raun þjónar auðstéttarinnar. Rök þessara

úrtölumanna eru margvísleg að venju en hins vegar ekki gáfuleg að sama skapi. Þau eru líka vel þekkt frá fyrri kjarabaráttum stéttanna.

Rök auðjöfranna eru "að þjóðarþúið þoli ekki að greiða alþýðunni nema sultarlaun", "verkföll og aðrar baráttuaðgerðir verkalyðsins setji þjóðarþúið á hausinn", "ríkisvaldinu gangi aðeins gott til þegar það lækkar launin og brytur gerða samninga" og

svona má lengi telja.

Þessu er því til að svara að hagsmunir verkalyðsins og atvinnurekenda eru algerlega andstæðir þar sem annar aðilinn lifir á því að arðræna hinn. Arðræninginn beitir svo valdaaðstöðu sinni hverju sinni gegn verkalyðnum eftir því hvernig það hentar honum best s.s. skerðir lýðréttindi, lækkar kaup, eykur vinnuálag, semur lög og fylgir þeim fram með þeim hætti sem hann tel-

ur viðeigandi o.s.frv.. Gegn auðstéttinni og áróðri hennar verður því verkalyðurinn að berjast með það að markmiði að svifta hana einkaeignarréttinum yfir atvinnutækjunum.

Rök svikaranna imman verkalyðshreyfingarinnar eru að þessu sinni "að þeir séu á móti því að láglaunafólki sé beitt fyrir vagninn í kjara-baráttunni". Þannig reyna þessir pólitíkusar, aðallega

sjálfstæðismenn og alþýðuflokksmenn, að koma fram sem umhyggjusamir verkalyðsunnendur um leið og þeir reyna eftir mætti að koma í veg fyrir að verkalyðurinn berjist fyrir rétti sínum. Það sem þessir lýðskrumarar eru að hugsa um er að fá nægilega mörg atkvæði til að komast í þingsæti næsta kjörtímabil.

Þeir reyna að telja verkafólki trú um að það þurfi sjálfi

Framhald á síðu 2.

Baráttueining og Rauð verkalyðseining

Loksins hafa andstæðingar þeirrar undansláttarstefnu sem rekin hefur verið innan verkalyðshreyfingarinnar undanfarin ár, náð samstöðu á 1. maí.

Kjaraskerðingar og árásir á samningsrétt verkalyðsins dynja nú yfir, en verkalyðshreyfingin hefur ekki synt sig þess megnuga að hrinda þeim árásum eða bæta kjör sinnar stéttar. Í forystu verkalyðshreyfingarinnar hefur ríkt stéttstefna undansláttar og tiljliðruunarsemi við hagsmuni atvinnurekenda, sem kallast því lína í nafni "að hugsa um þjóðarhag" á meðan hagsmunum meirihluta þjóðarinnar - launafólks - er fórnað.

En nú er mælirinn fullur og á 1. maí munu þeir fylkja liði

sem velja baráttustefnu í stað undansláttar. Þeir sem undanfarin ár hafa staðið að göngunum Baráttueining og Rauð verkalyðshreyfing, munu nú standa að sameiginlegum aðgerðum undir kjörorðunum: GEGN AUÐVALDI, - GEGN STÉTTASAMVINNU, - TÖKUM EKKERT TILLIT TIL HAGSMUNA ATVINNUREKENDNA. Meðal annara krafna eru: Lífvænleg laun fyrir dagvinnu, fulla vísitölutryggingu, kröfur um lýðræðislegri og virkari verkalyðsfélög, gegn árásum á samnings- og verkfallsréttinn, húsnæðis- og leigumál, jafnréttismál, æskulýðsmál, stuðningur við þjóðfrelsishreyfingar og gegn heimsvaldastefnu.



Myndin er frá útifundi Baráttueiningar 1976. Sú aðgerð var víðtæk samfylking sem marxistar-lénínistar gengust fyrir.

Grundvöllur aðgerðanna verður birtur í heild í næsta blaði ásamt dagskrá þeirra. Þrjú samtök hafa þegar ákveðið þátttöku í aðgerðunum.

Kommúnistaflokkur Íslands MI Fylkingin og Rauðsokkahreyfingin. Stéttabaráttan hvetur lesendur sína til að ganga í kröfu-

göngunni með Baráttueiningu og Rauðri verkalyðseiningu á 1. maí og reka áróður fyrir að fá vinnufélaga sína með. Sýnum baráttuviljann í verki.

Leigjendur skipuleggja sig

Undirbúningsfundur fyrir stofnfund Landssambands leigjenda var haldinn 12. apríl. Fundurinn sem haldinn var í Alþýðuhúskjallaranum var fjölmennur, 65 manns, sem er mjög gott ef tekið er tillit til þess að leigjendur eru yfirleitt hræddir við að reyna að ná fram rétti sínum, því að réttindaleysi þeirra er það algjört gagnvart leigusalanum. Á fundinum voru þrír frummælendur, þeir Haukur Már Haraldsson, Guðmundur J. Guðmundsson og Arnmundur Backmann.

Hjá Guðmundi kom meðal annars fram að í Reykjavík eru um 27 þúsund íbúðir eða u.þ.b. 1 herbergi á

mann. Sem fulltrúi í úthlutunarnefnd framkvæmdarnefndaríbúðanna, hafi hann frá ýmsu að segja, enda leita margir leigjendur þangað í vandræðum sínum. Meðal annars upplýsti hann að flestir umsækjendur væru ungt fólk, láglaunafólk og fólk sem á við veikindi að stríða. Oft væri þetta fólk úr sömu húskumböldunum, sem dæmdir hafa verið óíbúðarhæfir. Væru þetta húsnæði í eigu nokkurra einstaklinga er græddu vel á að leigja út heilsuspillandi húsnæði. Enda er algennt að á umsóknum til íbúða Framkvæmdanefndarinnar sé tekið fram að börnin í þessum hjöllum þjáist af síhösta,

bronkítis eða asma. En þrátt fyrir að málefni leigjenda væru greinilega mikið hagsmunamál fyrir leigjendur þá kom fram að þeim hafði lítið verið sinnt af hálfu verkalyðsforystunnar.

Fundargestum þótti þetta að vonum vera heldur dýpur niðurstaða og kröfðu Guðmund skýringar á þessu. Reyndi hann helst að réttlæta það, fyrir utan slóðaskap er hann viðurkenndi, að fæstir meðlimir verkalyðsfélaganna væru leigjendur og því væri erfitt að fá þeirra hagsmunamál í gegn og myndi vera fellt ef reynt væri að gera það að

Framhald á síðu 3.

Kirkjusandur



Guðmundur J. Guðmundsson í kaffistofu verkafólksins á Kirkjusandi. Hann er linur í baráttunni fyrir 8 stunda dagvinnu.

Síðastliðinn föstudag ætluðu nokkrar verkakonur í fiskiðjuverinu á Kirkjusandi að hætta vinnu að lokinni dagvinnu. Var þeim þá tjáð af verkstjóra að slíkt væri óheimilt og yrðu þær reknar ef þær stæðu við ákvörðunina. Tvær konur létu sig ekki og hættu vinnu að loknum átta stundunum, eins og verkafólk

á fullan rétt á. Þegar þær mættu svo til vinnu s.l. mánudag var þeim sagt að búið væri að segja þeim upp. Mikil óánægja greip um sig á meðal verkafólksins, og varð það til þess að formaður verkakvennafélagsins Framsóknar og varaformaður Dagsbrúnar létu sjá

Framhald á síðu 3.

LEIÐARI

Útflutningsbannið

Nú hafa þeir lægst launuðu innan verkalyðshreyfingarinnar hafið útflutningsbann. til að ganga á eftir kröfum sínum um að staðið verði við gerða kjarasamninga.

Innan Verkamannasambandsins eru launin á bilinu kr. 112-150 þús. Það er því ekki um neitt hálaunafólk að ræða, heldur þann hóp launafólks sem verst er settur í launum. Kröfurnar eru líka hógværar, eða að greiddar verði fullar verðbætur á laun þessa láglaunahóps. Ríkisstjórnin og atvinnurekendur hafa þó snúist öndverðir gegn þessum hógværu kröfum og tala þess í stað um að þjóðarþúinu sé stefnt í voða. Ef ríkisstjórnin hefði minnsta áhuga á að afstýra þessum voða, væri það auðvelt og það hefði lítinn tilkostnað í för með sér.

Fyrir síðustu kjarasamninga, töluðu allir um að bæta yrði kjör þeirra lægst launuðu. Ólafur Jóhannesson talaði þá um að sjálfsagt væri að ganga að kröfunni um 100 þús.kr. lágmarkslaun, en þegar til framkvæmdanna kemur er ekkert að marka orð þessara manna. Þeir nota fyrsta tækifæri til að lækka enn frekar laun þeirra lægst launuðu. Á meðan ráðherrar og aðrir slíkir fengu 50 þús.kr. í kjarabætur.

fengu verkamenn innan Verkamannasambandsins kr. 20 þús. Þannig eru verk þessara manna í algjöru ósamræmi við yfirlýsingarnar. Það eru gefin fögur fyrirheit en þegar til framkvæmdanna kemur þverneita þessir sömu menn láglaunafólki um nokkra leiréttingu sinna mála. Í stað þess á svo að kenna verkafólki um þjóðarvoða þegar það leitar réttar síns gegn ölogum ríkisstjórnarinnar. Það er ríkisstjórnin og atvinnurekendur sem bera alla ábyrgð á því stéttastríði sem nú stendur yfir. Ríkisstjórnin og atvinnurekendur geta komist hjá útflutningsbanninu með því að ganga að kröfum Verkamannasambandsins um fullar verðbætur samkvæmt samningum. Það er sú leið sem krefjast verður að farið verði til að komast hjá þeim vanda sem ríkisstjórnin og atvinnurekendur hafa sjálfir skapað.

Þessar eðlilegu og sjálfsögðu kröfur verða öll verkalyðsfélög að styðja með ráðum og dáð og engin má svíkjast undan merkjum ef árangur á að nast.

Þetta virðast ekki allir skilja innan Verkamannasambandsins. Karl Steinar Guðnason í Keflavík sem er varaformaður sambandsins, hefur nú þegar svíkjast undan merkjum og gengið til liðs við atvinnurekendur. Það er ekki auðvelt að heyja árangursríka baráttu með slíka stéttsvikara innanborðs, sem nota hvert tækifæri til að auka sinn pólitíska frama á kostnað verkalyðshreyfingarinnar. Þessir menn láta í veðri vaka að þeir hafi samúð með baráttu verkalyðsins, en nota síðan fyrsta tækifæri til að ganga til liðs við atvinnurekendur. Því miður eru þessir stéttasamvinnutilburðir Karls Steinars Guðnasonar ekkert eins dæmi. Stéttasamvinnan á sér mjög sterkar rætur í forystuliði ASÍ. Það er því ekki síst mikilvægt fyrir verkafólk að snúast gegn stéttasamvinnunni í eigin forystuliði, ef-árangurs á að vænta í kjaraátökum. Verkafólk verður að losa sig við uppkeypta og svíkula forystu sem er ekkert annað en leppur atvinnurekenda innan verkalyðshreyfingarinnar.

Höfum það í huga að verkalyðshreyfingin verður aldrei sterkari en veikasti hlekkurinn og þegar veikasti hlekkurinn er í sjálfri forystunni er voðinn vís. Baráttan gegn stéttasamvinnunni er því ekki síður mikilvæg en gegn kjaraskerðingum atvinnurekenda og ríkisvaldsins.

Kommúnistaflokkurinn hefur marg oft bent á mikilvægi þessa og það ekki að ástæðulausu, eins og dæmin sanna.

Útflutningsbann er öflug aðgerð

Framhald af forsíðu.

ekkert að leggja af mörkum í baráttu sinni fyrir bættum kjörum nema eitt lítið atkvæði á "réttan" stað á fjögurra ára fresti. En þessi orð þeirra eru fals því stéttabaráttan er ekki háð í þinginu, hún er háð út um þjóðfélagið í heild.

Kostir og gallar útflutningsbannsins.

Útflutningsbannið er nýstárleg baráttuaðferð sem Verkamannasambandið er nú frumkvöðull að. Það hefur þá kosti að aðeins lítil hluti verkafólks tekur beinan þátt í aðgerðunum og því er aðeins fámennur hópur sem hugsanlega heldur ekki fullri vinnu og fullum launum. Þó getur útflutningsbannið orðið kraftmikil baráttuaðgerð ef vel er að því staðið. T.d. er nauðsynlegt að þeir sem ekki taka þátt í sjálfum aðgerðunum, styðji baráttufólkið. Öllum er það ljóst að lægst launaða fólkið stendur nú í baráttunni og því getur orðið nauðsynlegt að því sé veittur fjárhagslegur stuðningur.

Útflutningsbannið hefur þann galla að vera seinvirk en styrkur þess felst í að það stendur gegn fiskiðnaðarauðvaldinu, sem þó neyðist til að halda uppi fullri atvinnu í frystihúsunum. Því Verkamannasambandið mun leyfa flutning fiskjar milli hafna innanlands, þannig að hægt verði að koma unnum fiski til geymslu í frystiklefum um land allt og fylla þá.

Það verður því á ábyrgð atvinnurekenda hvort vinna

stöðvast, bæði með því að þeir bera ábyrgð á kjaraskerðingunum og ef þeir ætla að stöðva fiskiðnaðinn með uppsögnum.


Með því að tefla fram fámennum hópi verkafólks til baráttunnar er hægt að heyja öfluga skærubaráttu. Því fáir geta stöðvað mikilvægustu framleiðslugreinarinnar og fjöldinn haldið vinnu og stutt þá fáu.

Verkbann í Vestmannaeyjum.

Eigendur frystihúsa í Vestmannaeyjum hafa nú á þrjónunum að loka vinnslustöðvunum um næstu helgi. Það hefur í för með sér að milli 700-800 manns yrðu atvinnulausir, bæði verkafólk í landi og sjómenn sem ekki geta siglt með aflann. Orsökina fyrir þessum ákvörðunum sínum segja frystihúsaeygndur vera aðgerðir verkalyðsins í kjarabaráttunni. Sem sagt atvinnurekendur svara með verkbanni. Slík er aðstaða arðræningjanna sem eiga atvinnutækin, þeir drottna yfir lífsaflkomu fjöldans. Gegn viðbrögðum þeirra verður verkafólk að snúast með það að kjörorði að taka sjálft við rekstri frystihúsanna sem þeir treysta sér ekki til að reka vegna ónógs gróða.

Allsherjarverkfall Vestfirðinga.

Stjórnarfulltrúar nýu verkalyðsfélaga á Vestfjörðum



Leiðrétting

Í síðasta töl. Stéttabaráttunnar var birt grein sem bar heitið "Hjálmtyr svarað". Þar féll niður setning og er hún birt hér ásamt þeim setningum sem áttu að vera á undan og eftir. - "Jafnvel gerði einn forystumanna Eik(m) sig sekan um að þiggja 15% kauphækkun og fara þar með ekki út í tveggja daga baráttu gegn ölogunum. Þessi maður er formaður í félags grafískra teiknara og hann gerði enga tilburði til að fá félagið til samstöðu með baráttu verkalyðshreyfingarinnar. Þetta

hefur hingað til verið kallað að þiggja mútur". Í grein Stéttabaráttunnar er hvergi sagt, að Hjalmtýr hafi unnið umrædda daga og aðdróttanir hans í þá áttina eru rangfærslur til þess gerðar að hylma yfir aðalatriðin. Minna máli skiptir hvort einstaklingurinn Hjalmtýr var við vinnu umrædda daga heldur en að hann sem formaður í stéttarfélagi og meðlimur í Eik(m) skyldi ekki beita áhrifum sínum til stuðnings baráttunni gegn ríkisvaldinu - .

SAMSTJÖRN STÉTTANNA

Framhald af baksíðu. villst. Menn ættu að leggja þessa yfirlýsingu vel á minnið, það er ekki víst að forystumenn AB verði nógu minnugir. A. m. k. gæti það vafist fyrir þeim að "sanna" hvernig Framsókn var "vinstriflokkur" 1971 - 1974, "hægri flokkur" 1974 - 1978 og svo aftur "vinstriflokkur" seinni part næsta sumars!

Þess ber og að geta að á síðasta landsfundi AB og á verkalyðsmálaráðstefnu AB var felld að hafna fyrirfram stjórnarsamstarfi við íhaldið.

Ljóst er að innan AB eru skiptar skoðanir um það með hverjum eigi að fara á jötuna í sumar en greinilegt er að AB vill allt til vinna að komast í stjórn. Það flaggar "íslenskri atvinnustefnu" framan í atvinnurekendur og hótar þeim verkföllum til að sýna fram á að þeir einir geti stjórnað landinu eins og íhaldið vill og jafnframt haldið aftur af verkalyðshreyfingunni.

Alþýðubandalagið mun halda áfram að nota verkalyðshreyfinguna í eigin þágu meðan agentar þess fá ohindrað að stjórna verkalyðsfélögum.

HAFIÐ SAMBAND VIÐ KOMMÚNISTAFLOKK ÍSLANDS M-L

● Miðstjórn og ritstjórn Stéttabaráttunnar: sími 27810 og pósthólf 1357 121 R einnig í Rauðu Stjórnunni bókabúð, Lindargötu 15, opið mánud. - föstud. kl. 15:30 - 18:30.

● Snæfellsnes: Sigfús Almarsson, Hellisbraut 10, Hellissandi og Gísli Hjaltason pósthólf 63, Stykkishólmi.

● Suðurnes: Einar Jónsson Solvallaögötu 40c, Keflavík.

● Akureyri: Jón Atli Jálvarðsson, Skarðshlíð 30.

● Neskaupsstaður: Messíana Tómasdóttir, Þiljuvöllum 38.

● Hornafjörður: Skúll Waldorff, Silfurbraut 2.

● Vestmannaeyjar: Helga Jónsdóttir, Brekastíg 24 b 900 Vestmannaeyjum.

● Hafnarfjörður: Fjóla Rögvaldsdóttir, Reykjavíkurgangi 24.

● Svíþjóð: Kristján L. Guðlaugsson, Kännärsvägen 11 N:220, 222 46 LUND. Hrólfr B. Ágústsson Uppstigen 139-31, 421 80 GÖTEBORG.

1942 - 1978

Dufþakur

Það er oft vitnað til þess, hversu mikil reisn hafi verið yfir verkalyðshreyfingunni hér fyrr á árum og þá sérstaklega á fjórða áratug þessarar aldar, þegar heimskreppan hafði náð að teygja anga sína til Íslands með tilheyrandi atvinnuleysi og lífskjaraskerðingu. Sú harða stéttabarátta, sem þá fór fram var að mestu undir forystu Kommúnistaflokks Íslands. Hann var leiðtogi í gervallri verkalyðsbaráttunni og raunverulegur fulltrúi sinnar stéttar.

Já, það er af sem áður var. Síðan Kommúnistaflokkurinn var lagður niður 1938 er um að ræða samfelld hningunarskeið í sögu ísl. verkalyðshreyfingar. 1938 sameinuðust félagar Kommúnistaflokksins og vinstri-sósíaldemókratar úr Alþýðuflokknum í nýjan flokk, sem bar nafnið Sameiningarflokkur alþýðu - Sósíalistaflokkurinn. Sósíalistaflokkurinn hafði frá byrjun gífurleg ítök í verkalyðshreyfingunni og eitt merkasta afrek hans var, að Alþýðusambandið var gert að óháðu verkalyðssambandi, en hafði fram að því litið stjórn Alþýðuflokksins.

Þrátt fyrir að hentistefna til hægri hafði náð undirtökunum í Kommúnistaflokknum var

stéttarmeðvitund og pólitískur þroski Íslensks verkalyðs enn mjög mikill, a. m. k. á fyrstu árum Sósíalistaflokksins.


Ársins 1942 verður lengi minnst í sögu verkalyðsbaráttunnar á Íslandi. Strax í byrjun þessa árs hafði verkalyðshreyfingin boðað allsherjarverkfall, en ríkisstjórnin svaraði með því að setja lög, er bönnuðu öll verkföll þetta ár. Verkalyðsfélögin aflýstu verkfallinu, en hér var einungis um formsatriði að ræða, gert í þeim tilgangi að komast hjá sektum og að sjóðir félaganna yrðu tæmdir. Verkamenn mættu ekki til vinnu og allsherjarverkfall varð staðreynd engu að síður. Þetta verkfall stóð í mánuð. Í kjölfar þess fylgdu svo skæruverkföll á einstaka vinnustöðum. Um síðir urðu atvinnurekendur og ríkisvald þeirra að láta undan síga fyrir kröftugum mótmælum verkalyðsstéttarinnar; lögin voru afnumin, kaup verkafólks var hækkað til muna og ríkisstjórnin neyddist til að segja af sér.

Þessi árangur náðist vegna þess að samstaða verkalyðsins var alger og baráttan var leidd af baráttufúsustu verkamönnum. Síðast en ekki síst var stéttarþroski verkalyðsins mun meiri en gerist

nú til dags.

Það er vert að minnast þessara atburða nú, þegar verkalyðurinn verður að heyja svipaða baráttu og þá. Ríkisvaldið hefur sett á lög, sem skerða vísitöluuppbótina töluvert og svipt þannig rétti verkalyðssamtakanna til að ákveða sjálf kaup og kjör. En það eru breyttir tímar. Verkalyðshreyfingin er í hnignun og stéttarþroski verkalyðsins þar af leiðandi í ládeyðu. Forystumenn verkalyðshreyfingarinnar hafa lítið sem ekkert gert til að hvetja hinn almenna launamann til

baráttu; þeir hafa þvert á móti haft lamandi áhrif á samtakamátt verkalyðsstéttarinnar og beinlínis sundrað samstöðu hans til að hrinda af höndum sér þessi kjararánslög. Það blandast víst fáum hugur um það, að með samtakamætti sínum gæti verkalyðurinn verið búinn að þvinga stjórnvöld til að afnema þessi ólög. Verkalyðshreyfingin hefur ekki beitt þeim hörðustu gagnagæðum, sem hún annars lofaði. Eins og 1942 hefðu skæruverkföll verið beittasta vopnið. Því vopni hefur ekki verið beitt.



Novu-deilan: Mannsofnudurinn á Torfunefshvæggju 1932.

RAUDUR VETTVANGUR
frá lesendum

RAUDUR VETTVANGUR
frá lesendum

RAUDUR VETTVANGUR
frá lesendum

Örugg búseta er mannréttindi

Gils Guðmundssonar skrifar sunnudaginn 26. feb. í Þjóðviljann grein, sem hann kallar "Jafn kosningaréttur er mannréttindi". Í greininni vitnar hann í ýmsa þjóðkunna menn á síðustu öld og fyrstu árum þessarar aldar, til stuðnings þeirri kenningu sem felst í fyrirsögninni. Yngsta tilvitnunin er um sjöfju ára gömul.

Ég get ekki fallist á röksemdir Gils og finnst þær blátt áfram furðulegar hjá svo sögufróðum manni. En allt er hey í harðindum og þegar kosningar standa fyrir dyrum hafa þingmenn tilhneigingu til að segja helst það eitt sem kjósendum líkar að heyra.

Á þeim sjöfju árum sem liðin eru frá ummælunum sem Gils vitnar í, hefið orðið gífurleg röskun á búsetu og atvinnuháttum í landinu. Þetta veldur því að umræddar tilvitnanir eiga ekki lengur við, enda óvíst að þeir ágætu menn sem til er vitnað, væru sömu skoðunar við núverandi aðstæður.

Mannréttindi eru spunnin úr mörgum þáttum. Kosningaréttur er aðeins einn þeirra. Hann gefur fólki nokkra möguleika á að ráða því, hverjir fari með völd í landinu. Þau áhrif, sem menn hafa í kosningum, ná þó ákaflega skammt. Þingmenn eru ekki skuldbundnir kjósendum sínum á nokkurn hátt. Dæmi um það blasir við launafólki þessa dagana.

Mannréttindi eru ekki að öllu leyti einstaklingsbundin. Mikil röskun á búsetu veldur því, að fólk sem eftir verður í byggðalagi á erfiðara með

að njóta sín. Jafnvel getur svo farið að menn neyðist til að flytja til þéttbýlli staða. Slíkt hefir oft gerst. Aftur á móti njóta menn meiri mannréttinda þar sem þéttbýli myndast. Þar eru möguleikar á ýmskonar þjónustu sem dreifbýlið nýtur ekki.

Í Reykjavík eru til dæmis allar helstu valdastofnanir landsins. Þangað leita sérfræðingar á öllum sviðum t. d. lækna með sérmenntun, allar helstu menntastofnanir eru þar og svo mætti telja nær endalaust. Þetta skapar íbúum á höfuðborgarsvæðinu möguleika á að njóta meiri mannréttinda en fólk á öðrum stöðum getur veitt sér. Ef þar að auki ætti að koma á jöfnum atkvæðisrétti allra einstaklinga væri verið að kóróna misréttið. Þá væri í rauninni verið að fá íbúum höfuðborgarsvæðisins völd til að ráða málum dreifbýlisins. Slíkt væri í hæsta máta ósanngjarnt og áreiðanlega engum til góðs.

Ég skil vel tillögur þær sem Gils vitnar í, þar sem lagt er til að landið sé eitt kjördæmi. Á þeim tíma sem þetta var lagt til var það eðlilegasta lausnin. Nú eru hins vegar allt aðrar aðstæður. Meiri hluti þjóðarinnar býr í þéttbýli en ennþá býr þó fólk í fámennum byggðarlögum og á fullan rétt á því. Slík byggðarlög eiga að hafa sama rétt og þéttbýlissvæðin, enda standa þau að verulegu leyti undir þjóðarframleiðslunni.

Mér finnst eðlilegast, að landinu sé skipt í tvö kjör-

dæmi, dreifbýliskjördæmi og þéttbýliskjördæmi, sem hvort um sig hafi jafn marga þingmenn, hvað sem líður fjölda atkvæða. Þá væri síður hætt á að mikill flótti úr sveitum yrði til að skerða mannréttindi dreifbýlisfólksins.

Það er auðvitað freistandi fyrir þingmenn að setja sig eins og goð á stall fyrir kosningar og segja að það séu mannréttindi að kjósa þingmenn. Ég vil hins vegar

hvetja til alvarlegri umræðu um mannréttindi. Með hliðsjón af því sem nú er að gerast í þjóðlífi okkar mætti t. d. nefna sem umhugsunarefni, sambandið milli laga og réttar, sem mér finnst ekki nógu gott. En ég lýk þessum fátæklegu orðum með staðhæfingu, sem mér finnst nær sanni en fyrirsögn Gils:

Frjáls og örugg búseta er mannréttindi sem kosningaréttur ætti að stuðla að.

Helgi Jónsson

Vonbrigði

Ein besta eign mín er plata með lögum eftir Gylfa P. Gíslason.

Ég spila hana stundum á fóninn hennar Önnu.

Hjarta mitt hoppaði af gleði er ég las fréttina um að Geir Hallgrímsson hefði gefið út ljóðabók.

"Engum er alls varnað," hugsaði ég; fór í skóna og ætlaði upp í Bolholt að kaupa áritað eintak milli klukkan tvö og fjögur ---

---fyrsta apríl.

Helgi Jónsson

Framhald af forsíðu.

LEIGJENDUR SKIPULEGGJA SIG samningsatriði. Þessari skýringu var hafnað af þeim félögum sem eru í verkalyðsfélögunum og bentu á að ekki hefði verið reynt að setja þessi mál fyrir félagsfundir.

Umræður urðu fjórugar um þau mál er félagið ætti að berjast fyrir og hvernig lög þess ættu að vera. Voru menn sammála um það að þessi barátta yrði að vera í nánú samstarfi við verkalyðsfélögin. Kosin var stjórn til að vinna að síðasta undirbúningi stofnfundarins og skrifuðu menn sig á lista til að rannsaka hina ýmsu málaflokka. Þetta mál verður kynnt nánar í næsta blaði.

Framhald af baksíðu.

MÓTMÆLI SHA VIÐ ÁLVERIÐ

nær til fleiri þátta þjóðlífsins en aðeins hersettunnar og NATO-aðildar. Og að það er einmitt vegna þessara ein-kenna að hermálið er eitt mesta hagsmunamál Íslenskrar alþýðu í baráttu hennar fyrir að vernda sjálfsákvörðunarréttinn.



Framhald af forsíðu.

KIRKJUSANDUR

sig í fylgd blaðamanna. Uppsagnirnar voru þá dregnar til baka.

Þetta dæmi sem er eitt af mörgum sem athygli er vakin á, sýnir vel fram á nauðsyn þess að komið verði á raunverulegum átta stunda vinnudegi. Atvinnurekendur borga svo illa að verkafólk verður að selja vinnuafli sitt tíu stundir eða meira dag hvern. Þeir vilja brjóta niður þann rétt, að verkafólk geti hætt vinnu eftir 40 stunda vinnuviku í dagvinnu. Beiðmál þeirrar kröfu þeirra er jafnvel farin að sjást á prenti. Í Þjóðviljanum, blaði flokksins þar sem Lúðvík Jónsson útgerðarmaður er formaður. Í þriðjudagsblaðinu þar sem sagt er frá uppsögnunum á Kirkjusandi gefur að líta athyglislega frásögn:

Mikil þörf er því á, að ákveðnar reglur komist á um það, að tilkynnt sé með góðum fyrirvara hve lengi verður unnið, þannig að verkafólk geti þá jafnframt tilkynnt, ef það getur ekki eða vill ekki vinna yfirvinnu.

Hér er ekki um neitt að semja eins og Þjóðviljinn gefur til kynna. Það gilda ákveðnar reglur um það að verkafólk þarf aðeins að skila 40 stunda vinnuviku, átta tíma á dag, og ef vinna á meira getur verkstjóri beðið verkafólkið um það rétt áður en dagvinnu lýkur. Það er nú sú eina regla sem fara á eftir og verður það svo á meðan við þurfum að þræla eftirvinnu til að lifa af launum.



Öreigar og kúgaðar þjóðir heims sameinist!

Stéttabaráttan

Útg: Kommúnistaflokkur Íslands m-l.
16. tbl. Þriðjudagurinn 18.4. 1978 7. árg.



STÉTTABARÁTTAN
- kemur út vikulega -
Sími: 27810.
Gíró: 27810-6.

Ábyrgðarm: Sigurður
Ingi Andræsson.

Sigurður Jón Ólafsson
Óðinsgötu 178
101 R

Kjösum kommúnismann

Kommúnistaflokkur Íslands hélt opinn fund um síðustu helgi í tilefni tveggja ára afmælis síns og til að kynna og ræða afstöðu sína til alþingis-kosninganna í sumar. Gunnar Andræsson formaður miðstjórnar flokksins hélt ræðu í tilefni afmælisins og rakti í stuttu máli feril innri og ytri baráttu flokksins á tveggja ára skeiði hans og átakanna fyrir sjálfa stofnunina. Af ummælum Gunnars mátti ljóslega sjá hversu mikilvæg baráttan við rangar skoðanir og starfsaðferðir hefur verið háð. Og baráttan fyrir réttri pólitík hefur verið dýrkeypt oft á tíðum en jafnframt bráð-nauðsynleg.

Síðan var fluttur ljóðalestur og Hjördís Bergs flutti bar-

áttusöngva, hvoru tveggja við góðar undirtektir.

Sigurður Jón Ólafsson flutti erindi um afstöðu flokksins til þingkosninganna og sagði frá samþykkt landsþingsins um að boðið skyldi fram. Um tvær leiðir væri að ræða annars vegar framboð flokksins og hins vegar samfylkingarframboð um ákveðna mála-flokka s. s. fyrir lýðrættindum, mannsæmandi kjörum o. s. frv., gegn allri heimsvaldastefnu og fyrir fullum sjálfsákvörðunarrétti þjóðarinnar o. s. frv.. Á eftir Sigurði urðu svo líflegar umræður og síðan ákveðið að setja á stofn umræðu- og starfshópa til frekari framgangs þessara mála.



NATO herlið vakir yfir eignum og hagsmunum alþjóðlegra auðhringa víða um heim.

Mótmæli SHA við Álverið

Þann 13. apríl efndu Samtök herstöðvaandstæðinga til mótmælastöðu við álverið í Straumsvík. Kveikja þessara aðgerða var för Stjórnunarfélagsins á vit álfustanna. Með aðgerðum sínum vildu SHA undirstrika andstöðu sína við erlenda stóriðju í landinu og bentu á að hermálið tengdist ásókn erlendra stóriðju til landsins. Í dreifimiða sem útbúinn var vegna aðgerðanna segir m. a. :

"Baráttan gegn heimsvaldastefnu beinist ekki aðeins gegn NATO og hersetu Bandaríkjanna á Íslandi. Driffjöldur heimsvaldastefnunnar er viðleitni alþjóðlegs auðvalds sem leitar hvarvetna ítaka í sókn eftir hámarksgróða... Engum dylst hvers vegna Alusuisse kaus að reka álver á Íslandi. Hér eru ýmsir þættir auðhringnum hagstæðir: Orka á afsláttarverði, samningaliprir embættismenn og staðsetning NATO-herliðs í landinu."

Þessar aðgerðir SHA voru undirbúnar með mjög skömmum fyrirvara og þrátt fyrir það mættu yfir 30 manns suður í Straumsvík. Það skal tekið fram, að aðgerðirnar voru ekki hugsaðar sem fjölda-aðgerðir heldur fyrst og fremst sem táknrænar. En aðgerðir sem þessar sýna að SHA og liðsmenn þeirra eru vakandi fyrir því að hermálið Framhald á síðu 3.

NATO OG ALUSUISSE-Greinar af sama meiði

Baráttan gegn heimsvaldastefnu beinist ekki aðeins gegn NATO og hersetu Bandaríkjanna á Íslandi.

Driffjöldur heimsvaldastefnunnar er viðleitni alþjóðlegs auðvalds sem leitar hvarvetna ítaka í sókn eftir hámarksgróða.

Í sumum tilfellum er leitað að ódýru vinnuafli, annars staðar að hagkvæmum hráefnalindum og í þriðja stað að ódýrri orku.

Það sem einkennir sérstaklega starfsemi fjölþjóðlegra auðhringa er mikið og sífellt fjármagnsstreymi milli landa og gífurlegar fjárfestingar.

Þess vegna er það lífsspursmál fyrir fjölþj. auðhringi að tryggja sér frelsi til fjármagnsflutnings milli landa, tryggja afstöðu sína til fjárfestinga í sem flestum löndum og verja fjárfestingarnar, þar sem þær eru miklar.

Engum dylst hvers vegna ALUSUISSE kaus að reka álver á Íslandi. Hér eru ýmsir þættir auðhringnum hagstæðir: Orka á afsláttarverði, samningaliprir embættismenn, og staðsetning NATO-herliðs í landinu.

Þótt aðstandendur NATO og fjölþjóðlegra auðhringa veiti litlar sem engar upplýsingar um samspil þeirra hér, liggur í augum uppi, að með auknum fjárfestingum eykst einnig hættan á þjóðnýtingu, skemmdarverkum og öðrum aðgerðum, sem annaðhvort þjóðfrelsisöfl eða lýðræðisleg stjórnvöld kynnu að grípa til. Til að fyrirbyggja slíkar aðgerðir og vernda eignir og afstöðu ALUSUISSE á Íslandi, er NATO-herstöðin hér þeim ómetanlegur bakhjarl.


Kröfur herstöðvaandstæðinga eru því :

GEGN HERVALDI - GEGN AUÐVALDI
ÍSLAND ÚR NATO - HERINN BURT

Samtök herstöðvaandstæðinga
13. apríl 1978



Gunnar Andræsson formaður Kommúnistaflokksins.



Sigurður Jón Ólafsson félagi í miðstj. Kommúnistaflokksins.

„Samstjórn stéttanna“

Nýlega kom fram í grein eftir Þröst Ólafsson í Tímariti Máls og menningar að Alþýðubandalagið ætti að stefna að "samstjórn stéttanna", þar sem AB og Sjálfstæðisflokkurinn léku aðalhlutverkið. Þó heldur því fram að uppskriftin að "vinstri-stjórn" sé gengin sér til húðar og ekki sé rétt að "verkalýðsstéttin standi utan við allar stjórnir". Verkalýðsstéttin í þessu sambengi er að sjálfsögðu aðeins finna nafn á Alþýðubandalaginu.

Hvað þýðir samstjórn stéttanna?

Ríkisstjórn sem þetta nafn bæri myndi væntanlega gera "viðeigandi efnahagsráðstafanir" þar sem íhaldið gæfi línuna "að fengnu samráði við fulltrúa launþega" en það samráð sæi AB um. Þannig væri hægt að gera allt það sem núverandi ríkisstjórn er að reyna án þess að verkalýðshreyfingin hreyfði hönd eða fót. Enda eru verkalýðsforkólfar AB nú í óða önn að sýna atvinnurekendum fram á hagkvæmni þess að hafa AB í ríkisstjórn. Þannig nota þeir

verkalýðshreyfinguna á dólglegan hátt til að koma í höfn eiginhagsmunum og metnaði AB. Forsvarsmenn verkalýðsfélaga þar sem alþýðubandalagsmenn ráða hafa í hótunum við ríkisstjórnina og atvinnurekendur og stofna til aðgerða. Ástæðan er einfaldlega sú að koma íhaldinu og atvinnurekendum í skilningum að ekki sé hægt að "halda friðinn" án stjórnarsamstarfs við AB.

Óánægjan í Alþýðubandalaginu.

Það leið ekki á löngu áður en Presti var svarað fullum hálsi. Í fyrsta sunnudagsblaði Þjóðviljans eftir birtingu greinar Þrastar er fjallað um hana. Árni Bergmann bendir á að minnihluti alþýðubandalagsmanna sé fylgjandi stjórnarsamstarfi við íhaldið. Sjálfur formaðurinn, Lúðvík Jósefsson, bendir Presti vinsamlega á að honum sé frjálst að hafa hvaða skoðun sem er en þær brjóti í bága við stefnu AB. Í yfirlýsingunni afneitar Lúðvík stjórnarsamstarfi við íhaldið svo ekki verður um Framhald á síðu 2.

Nýr sendiherra

Á vegum Alþýðulýðveldisins Kína er hingað til lands kominn til starfa nýr sendiherra að nafni Chen Feng. Afhenti

hann forseta Íslands Dr. Kristjáni Eldjárn trúnaðarbréf sitt fimmtudaginn 6. apríl. Kommúnistaflokkur Íslands

ML býður Chen Feng velkominn til landsins og það er ósk hans að um gott samstarf verði að ræða hér eftir sem hingað til.